

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-329-2/17. od 17.03.2017.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„SONO MEDICAL“ doo iz Sarajeva**, ul. Azize Šaćirbegović bb, registrovan kod Kantonalnog suda u Sarajevu (matični broj subjekta upisa: stari broj: 1-20398), identifikacijski broj kod Porezne uprave FBiH Kantonalni ured Sarajevo 4200102400007, porezni broj: 01703390, koga zastupa Direktor Igor Kurjak (u daljem tekstu: Dobavljač),

dana 27.03.2017. god., u Sarajevu zaključuju

UGOVOR O NABAVCI

Član 1.

Ugovorne strane su saglasne da Dobavljač za potrebe Ugovornog organa izvrši nabavku, isporuku i instaliranje **jednog EKG aparata, sa pripadajućom opremom i odgovarajućim kolicima za potrebe ambulante KJU „Gerontološki centar“ Sarajevo**, prema Ponudi Dobavljača broj: 079/17 od 13.03.2017.godine i zahtjevu Ugovornog organa broj: 11-329-1/17 od 07.03.2017.godine.

Član 2.

Dobavljač se obavezuje da će opremu, koja je predmet ovog Ugovora, isporučiti u skladu sa zahtjevima Ugovornog organa i svojoj ponudi, te da će u slučaju isporuke neodgovarajuće opreme, koja ne udovoljava zahtjevima Ugovornog organa ili opreme sa skrivenim manama koje se nisu mogle odmah uočiti, prihvatiti povrat takve opreme i o vlastitom trošku isporučiti odgovarajuću opremu.

Dobavljač se obavezuje da će isporučiti opremu koja je proizvedena prema usvojenim tehničkim propisima i standardima, te da će prilikom isporuke opreme dostaviti svu potrebnu dokumentaciju.

Član 3.

Ukupna ugovorena vrijednost predmetne nabavke, iznosi **2.690,00 KM** bez pripadajućeg PDV, odnosno **3.147,30 KM** sa pripadajućim PDV.

Ugovorena vrijednost predmetne nabavke je fiksna do kraja izvršenja Ugovora.

Član 4.

Ugovorni organ se obavezuje da će plaćanje ugovorene vrijednosti predmetne nabavke iz člana 3. ovog Ugovora, izvršiti unaprijed u ukupnom iznosu, odmah po ispostavljanju fakture-računa Dobavljača, na njegov transakcijski račun broj: 1327310010137696, otvoren kod NLB Tuzlanske banke.

Predmetna nabavka će se smatrati završenom kada to zapisnikom o primopredaji ugovorne strane obostrano konstatuju.

Član 5.

Dobavljač se obavezuje da opremu koja je predmet nabavke isporuči i instalira u roku od najviše 30-45 dana od dana obostranog potpisivanja ovog Ugovora.

Dobavljač garantuje da će tehnička svojstva isporučene opreme odgovarati zahtjevima utvrđenim zakonskim propisima, tehničkim mjerama, normativima i standardima koji važe za predmetnu opremu.

Dobavljač se obavezuje da će prije puštanja opreme u rad izvršiti testiranje iste, kao i obuku osoblja za adekvatno rukovanje.

Član 6.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, Ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da o nastalim nepredviđenim okolnostima zbog kojih je ometan u izvršenju Ugovora pismeno obavijesti Ugovorni organ.

Član 7.

Ugovorne strane su saglasne da se po izvršenju svih ugovorenih obaveza od strane Dobavljača, sačini zapisnik o primopredaji isporučene i instalirane opreme, te da se isti ovjeri od strane ovlaštenih predstavnika obje ugovorne strane.

Član 8.

Garantni period za instaliranu opremu je 12 mjeseci od dana isporuke i instalacije, u kom roku se Dobavljač obavezuje bez naknade izvršiti opravku svakog kvara, što uključuje i zamjenu originalnih rezervnih dijelova istog.

Dobavljač se obavezuje da kvar na opremi otkloni najkasnije naredni dan po prijavi kvara, a u slučaju potrebe zamjene originalnih rezervnih dijelova najkasnije u roku od 15 dana ukoliko se rezervni dio ne nalazi na skladištu.

Za vrijeme trajanja garantnog roka Dobavljač ne odgovara za kvarove na opremi koji su uzrokovani nepravilnim i nestručnim korištenjem opreme, nepridržavanjem propisanih uputstava za rad opreme, mehaničkim uticajima, kao ni u slučaju više sile.

Garancijom nisu obuhvaćeni potrošni materijali.

Član 9.

Dobavljač u toku garantnog perioda odgovara za skrivene mane i nedostatke na opremi, koji se nisu mogli odmah uočiti.

Ugovorni organ je obavezan da obavijesti Dobavljača o svim skrivenim nedostacima na opremi koji se nisu mogli odmah uočiti, i to u roku od 7 dana od dana uočavanja takvih nedostataka, i da zahtijeva njihovo otklanjanje odmah, a najkasnije u roku od 24 sata.

Ako do isteka roka iz stava 2. ovog člana Dobavljač ne postupi po zahtjevu Ugovornog organa, Ugovorni organ može raskinuti Ugovor i zahtijevati naknadu štete.

Ukoliko se radi o neispravnosti isporučene opreme koja se ne može odmah i trajno otkloniti, Dobavljač se obavezuje da će u roku od 15 dana Ugovornom organu isporučiti ispravnu opremu, bez bilo kakvih smetnji i nedostataka.

Član 10.

Dobavljač garantuje mogućnost opravke kvara, nabavku originalnih rezervnih dijelova i komponenti za predmetnu opremu, kao i servisiranje i nakon proteka garantnog roka.

Član 11.

Dobavljač se obavezuje da prilikom primopredaje instalirane opreme preda Ugovornom organu svu potrebnu dokumentaciju.

Član 12.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 13.

Odredbe ovog Ugovora mogu se mijenjati samo uz pismenu saglasnost obje ugovorne strane.

Ovaj Ugovor se može raskinuti pismenim putem i to sporazumno ili po zahtjevu jedne od ugovornih strana, ukoliko su nastali bitni razlozi za raskid ugovora.

Član 14.


Ovaj Ugovor stupa na snagu danom obostranog potpisivanja od strane ovlaštenih osoba ugovornih strana.

Član 15.


Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 16.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

DOBAVLJAČ:

Broj: 19/2017
Sarajevo, 06.04.2017



UGOVORNI ORGAN:

Broj: 11-329-4/17
Sarajevo, 27.03.2017.godine

